



**ZAPISNIK O RADU 50. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 01.12.2023. GODINE**

Broj: 01-GV-02-1843/23
Sarajevo, 01.12.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika „Deljković-Simonović-Čengić“
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
8. Bajro Biber, predsjedavajući Kluba gradskih vijećnika „USD-BOSS“
9. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
10. Samir Bejić, predsjedavajući Kluba gradskih vijećnika „Danijela Šahat - Samir Bejić“

Odsutni: Mila Eminović, sekretar Gradskog vijeća, Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“ i Jasmin Skorupan, predsjedavajući Kluba gradskih vijećnika „Korora/Skorupan“.

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 09.10 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** Zapisnik o radu 49. sjednice Kolegija Gradskog vijeća, održane dana 13.11.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 50. sjednice Kolegija Gradskog vijeća, tako da glasi:

1. Utvrđivanje Prijedloga Programa rada Gradskog vijeća Grada Sarajeva za 2024. godinu sa Izvještajem o provedenoj raspravi o Nacrtu Programa rada Gradskog vijeća Grada Sarajeva za 2024. godinu
2. Priprema za održavanje 34. sjednice Gradskog vijeća Grada Sarajeva
3. Utvrđivanje prijedloga kandidata za Drugostepenu žalbenu komisiju
4. Tekuća pitanja



Ad1)

Utvrđivanje Prijedloga Programa rada Gradskog vijeća Grada Sarajeva za 2024. godinu sa Izvještajem o provedenoj raspravi o Nacrtu Programa rada Gradskog vijeća Grada Sarajeva za 2024. godinu

U uvodnim napomenama, **Jasmin Ademović, predsjedavajući Gradskog vijeća** je podsjetio članove Kolegija da je provedena javna rasprava o Nacrtu Programa rada Gradskog vijeća Grada Sarajeva za 2024. godinu, da su se u javnoj raspravi očitovala radna tijela, Gradonačelnica i dvije gradske općine te da većina radnih tijela i gradske općine nisu imali primjedbe, prijedloge i sugestije.

Također je podsjetio da je Gradonačelnica zatražila izmjenu rokova za razmatranje određenih materijala kao i uvrštavanje informacije o realizaciji aktivnosti u odnosu sa nacionalnim manjinama te da je u Izvještaju o provedenoj javnoj raspravi o Nacrtu Programa rada Gradskog vijeća Grada Sarajeva za 2024. godinu navedeno da su izneseni prijedlozi prihvaćeni i izvršeni u Prijedlog Programa rada Gradskog vijeća Grada Sarajeva za 2024. godinu.

Na prijedlog **Jasmina Ademovića, predsjedavajućeg Gradskog vijeća** Kolegij Gradskog vijeća, jednoglasno, **je usvojio** sljedeći zaključak:

Kolegij Gradskog vijeća Grada Sarajeva utvrđuje Prijedlog Programa rada Gradskog vijeća Grada Sarajeva za 2024. godinu sa Izvještajem o provedenoj javnoj raspravi o Nacrtu Programa rada Gradskog vijeća Grada Sarajeva za 2024. godinu koji je sastavni dio ovog zaključka i upućuje ga Gradskom vijeću na razmatranje i usvajanje.

Ad 2)

Priprema za održavanje 34. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

U raspravi o terminu održavanja 34. sjednice Gradskog vijeća učestvovao je **član Kolegija Vedad Deljković**, a dodatna pojašnjenja dao je **Jasmin Ademović, predsjedavajući Gradskog vijeća**.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **većinom glasova**, izjasnivši se sa **devet glasova „za“ i jednim „suzdržanim“ glasom je usvojio** sljedeći zaključak:

- 34. sjednica Gradskog vijeća će se održati u **srijedu 27.12.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **utorak 05.12.2023. godine do 12.00 sati** dok će materijali koji se upućuju u javnu raspravu biti dostavljeni po završetku javne rasprave;
- Sjednice radnih tijela, u pripremi 34. sjednice Gradskog vijeća, će se održati u **sedmici koja počinje sa ponedjeljkom 11.12.2023. godine**;
- Pozivi gradskim vijećnicima za 34. sjednicu Gradskog vijeća će se uputiti najkasnije u **srijedu 20.12.2023. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Prijedlog Programa rada Gradskog vijeća Grada Sarajeva za 2024. godinu **je spreman** i očekuje se da će biti uvršten u prijedlog dnevnog reda 34. sjednice Gradskog vijeća.

Izveštaj o stanju u državnoj službi u Gradu Sarajevu, prema informaciji Gradonačelnice **je spreman** i očekuje se da će biti uvršten u prijedlog dnevnog reda 34. sjednice Gradskog vijeća.

Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 2015 – 2035., prema informaciji Gradonačelnice, **nije spremna** i neće biti uvrštena u prijedlog dnevnog reda 34. sjednice Gradskog vijeća.

Informacija o realizaciji projekta obnove astronomske opservatorije Trebević, prema informaciji Gradonačelnice, **nije spremna** i neće biti uvrštena u prijedlog dnevnog reda 34. sjednice Gradskog vijeća.

Izveštaj o korištenju tekuće rezerve, prema informaciji Gradonačelnice, **nije spreman** i neće biti uvršten u prijedlog dnevnog reda 34. sjednice Gradskog vijeća.

Prijedlog Budžeta Grada Sarajeva za 2024. godinu, prema informaciji Gradonačelnice, **će biti spreman** i očekuje se da će biti uvršten u prijedlog dnevnog reda 34. sjednice Gradskog vijeća.

Prijedlog Odluke o izvršavanju Budžeta Grada Sarajeva za 2024. godinu, prema informaciji Gradonačelnice, **će biti spreman** i očekuje se da će biti uvršten u prijedlog dnevnog reda 34. sjednice Gradskog vijeća.

Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2024. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 34. sjednice Gradskog vijeća.

Prijedlog Programa međunarodne saradnje Grada Sarajeva za 2024. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 34. sjednice Gradskog vijeća ukoliko Komisija za međunarodnu saradnju, kao ovlašteni predlagač, utvrdi Prijedlog Programa i uputi ga Gradskom vijeću na usvajanje.

Informacija o privrednoj saradnji Grada Sarajeva sa pobratimskim i partnerskim gradovima prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 34. sjednice Gradskog vijeća.

Izveštaj o provođenju Akcionog plana rodne ravnopravnosti u 2022/2023, prema informaciji Gradonačelnice, **nije spreman** i neće biti uvršten u prijedlog dnevnog reda 34. sjednice Gradskog vijeća.

Prijedlog Programa podizanja spomenika od značaja za Grad Sarajevo kojima je Grad Sarajevo investitor za 2024. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 34. sjednice Gradskog vijeća.

Informacija o aktivnostima Informativnog centra o međunarodnom krivičnom sudu za bivšu Jugoslaviju Sarajevo, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 34. sjednice Gradskog vijeća.

Informacija o projektima finansiranim iz međunarodnih i lokalnih fondova, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 34. sjednice Gradskog vijeća.

Informacija o provedbi Zakona o ravnopravnosti spolova BiH u Kantonu Sarajevo, prema informaciji Gradonačelnice, **nije spremna** i neće biti uvrštena u prijedlog dnevnog reda 34. sjednice Gradskog vijeća.

Informacija o pregledu stanja i realiziranim aktivnostima planiranim u Strategiji razvoja Grada, 2021-2027, dio 6 Grad čuvar, za marginalizirane skupine, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 34. sjednice Gradskog vijeća.

Informacija o provođenju Plana Grada Sarajeva za prevenciju i smanjenje otpada od hrane i gubitak hrane 2023 – 2026. godina, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 34. sjednice Gradskog vijeća.

Prijedlog Odluke o podizanju multimedijalne instalacije „Sarajevo Olympic Journey“, prema informaciji Gradonačelnice, **će biti spreman** i očekuje se da će biti uvršten u prijedlog dnevnog reda 34. sjednice Gradskog vijeća ukoliko Komisija za spomenike, kao ovlaštenu predlagač, utvrdi Prijedlog Odluke i uputi ga Gradskom vijeću na usvajanje.

Prijedlog Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru, prema informaciji Gradonačelnice, **će biti spreman** i očekuje se da će biti uvršten u prijedlog dnevnog reda 34. sjednice Gradskog vijeća ukoliko Komisija za spomenike, kao ovlaštenu predlagač, utvrdi Prijedlog Odluke i uputi ga Gradskom vijeću na usvajanje.

c. Teme planirane programom rada Gradskog vijeća Grada Sarajeva za 2023. godinu, koje nisu realizovane

Informacija o realizaciji projekta „SKYWALK – SARAJEVO EYE“, prema informaciji Gradonačelnice, **nije spremna** i neće biti uvrštena u prijedlog dnevnog reda 34. sjednice Gradskog vijeća.

Nacrt Odluke o korištenju i održavanju uređenih vodotoka na području Grada Sarajeva **će biti pripremljen** i očekuje se da će biti uvršten u prijedlog dnevnog reda 34. sjednice Gradskog vijeća.

Nacrt Odluke o podizanju spomenika ženi Sarajeva, prema informaciji Gradonačelnice, **nije spreman** i neće biti uvršten u prijedlog dnevnog reda 34. sjednice Gradskog vijeća.

Prijedlog Odluke o podizanju spomen-ploče Aidi Buturović, prema informaciji Gradonačelnice, **nije spreman** i neće biti uvršten u prijedlog dnevnog reda 34. sjednice Gradskog vijeća.

Informacija o realizaciji projekta sanacije zacjevljenog Bistričkog potoka, prema informaciji Gradonačelnice, **nije spremna** i neće biti uvrštena u prijedlog dnevnog reda 34. sjednice Gradskog vijeća.

d. Novi prijedlozi

Aida Bajramović, sekretarka organa uprave, upoznala članove Kolegija da će Gradonačelnica za 34. sjednicu Gradskog vijeća predložiti sljedeći materijal:

Prijedlog Odluke o utvrđivanju posebnog značaja za Grad Sarajevo za Udruženje za očuvanje i promociju rok muzike „EX-YU ROCK SOCIETY“.

Jasmin Ademović, predsjedavajući Gradskog vijeća je upoznao članove Kolegija da će, u funkciji gradskog vijećnika, za 34. sjednicu Gradskog vijeća predložiti Informaciju o Elaboratu o isplativosti i organizaciji Projekta naučno-istraživačke infrastrukture „Tech4Green“ i Informaciju o radu Odbora za organizaciju obilježavanja 40. godišnjice ZOI 84.

Ad 3)

Utvrđivanje prijedloga kandidata za Drugostepenu žalbenu komisiju za 2024. godinu

Jasmin Ademović, predsjedavajući Gradskog vijeća je podsjetio članove Kolegija da, u skladu sa Etičkim kodeksom izabраниh i imenovanih funkcionera Grada Sarajeva, Gradsko vijeće ima obavezu formirati Drugostepenu žalbenu komisiju kao povremeno radno tijelo Gradskog vijeća za svaku kalendarsku godinu.

Naglasio je da je potrebno da Komisija za izbor i imenovanja, za 34. sjednicu Gradskog vijeća, utvrditi Prijedlog Odluke, a na osnovu kandidata koje predlažu klubovi putem Kolegija Gradskog vijeća.

Jasmin Ademović, predsjedavajućeg Gradskog vijeća je predložio da Kolegij Gradskog vijeća kandiduje Komisiji za izbor i imenovanja članove Komisije koji sada čine ovu komisiju.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći zaključak:

Kolegij Gradskog vijeća predlaže Komisiji za izbor i imenovanja kandidate za članove Drugostepene žalbene komisije koja se formira u skladu sa Etičkim kodeksom izabраниh i imenovanih funkcionera Grada Sarajeva, i to:

1. Nijaz Kurtović
2. Emsel Krupalija
3. Dženan Tikveša
4. Azra Dervišević
5. Mirela Carev

Ad 4)

Tekuća pitanja

Jasmin Ademović, predsjedavajući Gradskog vijeća je upoznao članove Kolegija da je iz Ureda za borbu protiv korupcije i upravljanja kvalitetom Kantona Sarajevo dostavljen dopis kojim se obavještava Gradsko vijeće da je Hidić Adnan, član Odbora za informatiku i telematiku Gradskog vijeća, upoznao Ured da je podnio ostavku na ovu dužnost. Za člana ovog radnog tijela, Hidić Adnana je kandidovao Klub gradskih vijećnika Naroda i Pravde te se očekuje da prijedlog za njegovo razrješenje i izbor novog člana Klub vijećnika Naroda i Pravde dostavi na vrijeme kako bi Komisija za izbor i imenovanja mogla utvrditi prijedloge odluka i uputiti ih Gradskom vijeću na odlučivanje.

U raspravi koja se vodila vezano za održavanje Konstituirajuće sjednice Odbora za dodjelu „Šestoapriilske nagrade Grada Sarajeva“ u 2024. godini učestvovao je **član Kolegija Adi Škaljić**, a dodatna pojašnjenja dala je **Mirjana Đanović Stanić, rukovodilac Stručne službe za poslove Gradskog vijeća Grada Sarajeva.**

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 9.30 sati.

SEKRETAR GRADSKOG VIJEĆA

Mila Eminović

PREDSJEDAVAJUĆI GRADSKOG VIJEĆA

Jasmin Ademović, s.r.